



**Sabtu, 25 Juni 2022**

*Ogen: Matius 19: 21-22*



**Gulut Ukur**



**M**egati sibegi sada pepatah, muda kaya raya, tua bahagia, mati masuk surga. Banci jadi e me si lit i bas kegeluhen sekalak dilaki njumpai Jesus janahna nungkun, "uga arus kubahan gelah aku dat kegeluhen si tuhu-tuhu si la erkeri-kerin? Kai ulihna? Sedih ras kecewa ia. Engkai? Sabap tupung Jesus ngatakensa maka ikutken kerina pedah Dibata, maka kerina nggo ilakoken anak perana ndai. Tapi kenca ikataken Jesus, "dayaken kerina erta-ertandu jenari bereken man kalak musil...", i je minter gulut ukur anak perana ndai. Engkai? Sabap bayak kal ia. Alu bage jelas maka lenga bo terlepasenna kegeluhenna arah erta-erta. Tempa-tempa ia nggo ikuasai ertana asangkan ia ngkuasai ertana jine. E maka nina Jesus, 'mesera kal kalak bayak bengket ku bas Kinirajan Surga. Duit salah sada bagin arah erta, megati inomorsadaken piahna mengorbankan Tuhan ras manusia sideban janah banci saja pe kiniteken. Tupung kita ersura-sura guna ndatken duit melala, maka geluhta ikuasai duit lanai Tuhan. Kedungenna, mata ras pusuh perukurenta jadi gelap, gulut ukur katawari pe. Melala duit pe gulut ukur, mbiar kita bene tah itangko kalak, la erduit pe gulut ukur kang, kai nge sekalenda pan. Erkiteken si e, megati sikorbankan kesehatenta erkiteken ndatken duit janah sikorbankan ka duit e guna ndatken kesehaten mulihi. Em adi duit si bahan jadi tujun utama janah nggo jadi tuan i bas geluhta. Duit labo tuan, ia terjeng alat. Duit e me sarana guna mpermuliaken Tuhan labo guna mpedauh kita i bas IA nari. Gundari enda, enterem kalak ndarami duit janah erdahna arah Dibata nari labo reh deherna baNa.

*Anda dapat melihat apa yang Tuhan pikirkan tentang uang ketika Anda melihat orang-orang yang diberi uang oleh Tuhan.*

**Abraham Lincoln**

